

BAB 6


STATISTIK AKAUN KERAJAAN

STATISTIK AKAUN KERAJAAN
PERSEKUTUAN

STATISTIK AKAUN KERAJAAN
NEGERI

PIHAK BERKUASA TEMPATAN

STATISTIK AKAUN KERAJAAN
NEGERI PULAU PINANG





Bab 06

STATISTIK AKAUN KERAJAAN PERSEKUTUAN DAN NEGERI

Tahun 2021 merupakan tahun pemulihan selepas kemelesetan ekonomi yang melanda di seluruh dunia disebabkan oleh ketidaktentuan di dalam sentimen ekonomi dunia akibat konflik perdagangan antara kuasa-kuasa besar dan penularan pandemik COVID-19.

Secara keseluruhannya, prestasi kewangan Kerajaan Persekutuan terutamanya dalam kutipan hasil mencatatkan peningkatan, dipacu oleh pembukaan sektor ekonomi secara meluas serta pemulihan pendapatan syarikat.

Hasil Kerajaan Persekutuan mencatatkan pertumbuhan 3.9 peratus pada tahun 2021. Jumlah hasil tersebut meningkat sebanyak RM8.7 bilion iaitu daripada RM225.1 bilion pada tahun 2020 kepada RM233.8 bilion pada tahun 2021 seperti pada Jadual 6.1.

Jadual 6.1 Hasil Kerajaan Persekutuan, 2020-2021

Hasil	RM bilion		Pertumbuhan (%)
	2020	2021	
Hasil cukai	154.4	173.7	12.5
Hasil bukan cukai	62.0	51.1	-17.6
Terimaan bukan hasil	8.0	8.4	5.7
Hasil Wilayah Persekutuan	0.7	0.5	-23.8
Jumlah hasil	225.1	233.8	3.9

Sumber: Jabatan Akauntan Negara Malaysia

Peningkatan ini didorong oleh pertumbuhan komponen kutipan hasil cukai yang mencatatkan peningkatan memberangsangkan. Hasil cukai mendominasi kutipan hasil Kerajaan Persekutuan dengan sumbangan sebanyak 74.3 peratus dan merekodkan peningkatan 12.5 peratus.

RM233.8 bilion
Jumlah hasil
Kerajaan Persekutuan
pada tahun 2021



12.5%
Peningkatan pertumbuhan
hasil cukai pada
tahun 2021



7.2%
Kenaikan perbelanjaan Kerajaan Persekutuan pada tahun 2021



RM 10.4 bilion
Pertambahan perbelanjaan dalam pemberian dan kenaikan bayaran pada tahun 2021

Perbelanjaan Kerajaan Persekutuan

Jumlah perbelanjaan Kerajaan Persekutuan meningkat kepada RM295.8 bilion pada tahun 2021 seperti pada Jadual 6.2. Peningkatan ini didorong oleh perbelanjaan pembangunan yang bertambah sebanyak 25.1 peratus iaitu kepada RM64.3 bilion daripada RM51.4 bilion pada tahun 2020.

Sementara itu, perbelanjaan mengurus turut mencatatkan peningkatan sebanyak 3.1 peratus iaitu daripada RM224.6 bilion pada tahun 2020 kepada RM231.5 bilion pada tahun 2021. Pemberian dan kenaikan bayaran merupakan antara penyumbang kepada kenaikan perbelanjaan mengurus Kerajaan Persekutuan dengan pertambahan sebanyak RM10.4 bilion atau 9.4 peratus daripada RM111.2 bilion kepada RM121.6 bilion pada tahun 2021.

Jadual 6.2 Perbelanjaan Kerajaan Persekutuan, 2020-2021

Perbelanjaan	RM bilion		Pertumbuhan (%)
	2020	2021	
Perbelanjaan mengurus	224.6	231.5	3.1
Perbelanjaan pembangunan	51.4	64.3	25.1
Jumlah perbelanjaan	276.0	295.8	7.2

Sumber: Jabatan Akauntan Negara Malaysia

Perbelanjaan Kumpulan Wang COVID-19

Kumpulan Wang COVID-19 telah diwartakan pada 26 Oktober 2020 sebagai salah satu inisiatif menghadapi wabak COVID-19 yang diperuntukkan dalam Akta Langkah-langkah Sementara bagi Pembiayaan Kerajaan (Penyakit Koronavirus 2019 (COVID-19)) 2020 [Akta 830]. Pelbagai insentif yang dilaksanakan antaranya Pakej Bantuan Perlindungan Ekonomi dan Rakyat Malaysia (PERMAI), Program Strategik Memperkasa Rakyat dan Ekonomi (PEMERKASA), Program Strategik Memperkasa Rakyat dan Ekonomi Tambahan (PEMERKASA+) dan Pakej Perlindungan Rakyat dan Pemulihan Ekonomi (PEMULIH). Pada tahun 2021, sebanyak RM37.7 bilion telah dibelanjakan di bawah pakej rangsangan ekonomi dan pelan pemulihan ekonomi.

Perbelanjaan tertinggi adalah melibatkan pemberian tunai, subsidi dan geran kepada golongan sasaran. Perbelanjaan ini meliputi program Bantuan Prihatin Nasional, Program Subsidi Upah, Insentif Pengekalan Pekerjaan, Pengambilan Pekerja dan Bantuan Latihan serta Geran PRIHATIN PKS yang berjumlah RM28.3 bilion daripada jumlah perbelanjaan tahun 2021.



STATISTIK AKAUN KERAJAAN NEGERI

Hasil kerajaan negeri

Kerajaan negeri memperoleh hasil daripada hasil cukai, hasil bukan cukai dan terimaan bukan hasil yang meliputi beberapa sumber seperti hasil tanah, hasil hutan, hasil daripada lesen, duti hiburan dan bayaran lain.

Pada tahun 2021, Kerajaan Negeri Sarawak mencatatkan kutipan hasil tertinggi berjumlah RM7.6 bilion (2020: RM10.6 bilion) seperti pada Carta 6.1. Walau bagaimanapun, kutipan hasil ini mengalami penyusutan 28.4 peratus disebabkan oleh penguncupan hasil cukai sebanyak 33.9 peratus pada tahun 2021.

Berbeza dengan Kerajaan Negeri Sabah yang merekodkan kutipan hasil kedua tertinggi dengan peningkatan 51.8 peratus pada tahun 2021. Pertumbuhan ini juga merupakan pertumbuhan terbesar pada tahun 2021 yang didorong oleh kenaikan dalam hasil cukai sebanyak RM1.7 bilion iaitu meningkat 139.7 peratus dari tahun sebelumnya.

Pada masa yang sama, Kerajaan Negeri Selangor juga merekodkan peningkatan hasil sebanyak RM26.4 juta dengan nilai hasil berjumlah RM2.3 bilion. Secara keseluruhannya, hampir kesemua negeri merekodkan peningkatan dalam kutipan hasil kecuali Sarawak, Terengganu, Johor dan Negeri Sembilan.

RM 7.6 bilion
Sarawak
kutipan hasil tertinggi
pada tahun 2021



RM 5.5 bilion
Sabah
kutipan hasil
kedua tertinggi
pada tahun 2021

Carta 6.1 Kutipan hasil kerajaan negeri, 2020-2021



Sumber: Laporan Ketua Audit Negara, Jabatan Audit Negara Malaysia

“
RM11.3 bilion
Sarawak mencatatkan
 perbelanjaan mengurus
 tertinggi
 ”



“
6 negeri
 mencatatkan
 peningkatan dalam
 perbelanjaan mengurus
 ”

Perbelanjaan mengurus kerajaan negeri

Hasil kerajaan negeri merupakan sumber utama yang digunakan bagi tujuan perbelanjaan mengurus. Pada tahun 2021, Kerajaan Negeri Sarawak mencatatkan perbelanjaan mengurus tertinggi berjumlah RM11.3 bilion berbanding RM10.3 bilion pada tahun 2020 dengan pertambahan sebanyak RM1.0 bilion atau meningkat 10.2 peratus berbanding tahun sebelumnya (Carta 6.2). Peningkatan perbelanjaan mengurus ini didorong oleh kenaikan dalam perbelanjaan lain serta pemberian dan kenaikan bayaran tetap.

Sementara itu, Kerajaan Negeri Sabah pula memperuntukkan sebanyak RM4.5 bilion pada tahun 2021 bagi perbelanjaan mengurus. Negeri ini mencatatkan penurunan dalam perbelanjaan sebanyak 0.2 peratus, dipengaruhi oleh penurunan dalam pemberian dan kenaikan bayaran tetap yang berkurang sebanyak RM216.7 juta.

Selain Sarawak, lima negeri mencatatkan peningkatan dalam perbelanjaan mengurus pada tahun 2021 iaitu Kerajaan Negeri Pahang yang meningkat 29.8 peratus iaitu sebanyak RM860.1 juta, diikuti Kerajaan Negeri Kelantan (RM725.9 juta), Kerajaan Negeri Kedah (RM635.4 juta) dan Kerajaan Negeri Perlis (RM137.2 juta).

Carta 6.2 Perbelanjaan mengurus kerajaan negeri, 2020-2021



Sumber: Laporan Ketua Audit Negara, Jabatan Audit Negara Malaysia



Surplus/defisit kerajaan negeri


Penyata Akaun Hasil Disatukan menunjukkan jumlah hasil dan perbelanjaan mengurus kerajaan negeri bagi satu tahun kewangan. Secara keseluruhan, analisis mendapati bahawa Kerajaan Negeri Sabah mencatatkan surplus terbesar berjumlah RM931.6 juta pada tahun 2021 berbanding defisit sejumlah RM934.6 juta pada tahun 2020. Surplus ini dipacu oleh peningkatan hasil cukai.

Sebaliknya, Kerajaan Negeri Sarawak mencatatkan defisit terbesar berjumlah RM3.7 bilion pada tahun 2021 berbanding surplus sebanyak RM366.6 juta pada tahun 2020. Defisit ini dipengaruhi oleh penurunan dalam hasil cukai dan peningkatan dalam perbelanjaan lain. Secara keseluruhan, tujuh negeri merekodkan surplus pada tahun 2021, manakala enam negeri memperoleh defisit seperti di Carta 6.3.

7 negeri mencatatkan **surplus** pada tahun 2021



Carta 6.3 Surplus/defisit mengikut negeri, 2020-2021 - RM juta



RM 0.9 bilion Surplus bagi Kerajaan **Negeri Sabah** pada tahun 2021

Sumber: Laporan Ketua Audit Negara, Jabatan Audit Negara Malaysia

PIHAK BERKUASA TEMPATAN

155 PBT

19 Dewan/majlis bandaraya
40 Majlis perbandaran
91 Majlis daerah
5 Agensi diberi kuasa PBT



Terdapat 155 Pihak Berkuasa Tempatan (PBT) di Malaysia yang terdiri daripada dewan/majlis bandaraya (DB/MB), majlis perbandaran (MP) dan majlis daerah (MD). Dewan/majlis bandaraya merangkumi 19 PBT manakala majlis perbandaran dan majlis daerah masing-masing sebanyak 40 dan 91 PBT dengan fungsi, tugas atau bidang kuasa yang berbeza antara satu sama lain. Selain itu, lima badan lain yang diberi kuasa oleh kerajaan negeri untuk melaksanakan fungsi PBT seperti PBT Taman Perindustrian Hi-Tech Kulim, Perbadanan Putrajaya, Perbadanan Labuan, Lembaga Pembangunan Tioman dan Lembaga Bandaran Kudat.

Sementara itu, prestasi kewangan PBT diukur berdasarkan pendapatan yang diperoleh daripada hasil kutipan cukai taksiran. Kutipan cukai taksiran ini lazimnya akan dikenakan ke atas pegangan seperti kediaman, kedai, bangunan perniagaan, pejabat bukan milik kerajaan, kilang, hotel dan sebagainya.

RM 2.4 bilion

Pendapatan **DBKL**
pada tahun 2021

Prestasi kewangan PBT

Berikut adalah PBT yang memperoleh pendapatan tertinggi mengikut tiga kategori PBT iaitu dewan/majlis bandaraya, majlis perbandaran dan majlis daerah:

a. Dewan/majlis bandaraya

Daripada keseluruhan 19 dewan/majlis bandaraya, 10 dewan/majlis bandaraya mencatatkan prestasi kewangan tertinggi melibatkan pihak berkuasa tempatan W.P. Kuala Lumpur, Johor, Negeri Sembilan, Selangor, Perak dan Pulau Pinang.

Secara umumnya, daripada 10 PBT tersebut, enam dewan/majlis bandaraya mencatatkan prestasi yang lebih baik pada tahun 2021. Namun, empat dewan/majlis bandaraya memperlihatkan penyusutan terdiri daripada Dewan Bandaraya Kuala Lumpur (DBKL), Majlis Bandaraya Petaling Jaya, Majlis Bandaraya Pulau Pinang dan Majlis Bandaraya Subang Jaya seperti di Carta 6.4.


Melihat dari aspek pendapatan, DBKL merekodkan pendapatan tertinggi sebanyak RM2.4 bilion meskipun bertumbuh pada paras negatif 19.9 peratus pada tahun 2021. Selain itu, dua PBT di Johor iaitu Majlis Bandaraya Johor Bahru memperoleh pendapatan sebanyak RM605.3 juta dan merupakan PBT kedua



tertinggi dalam kelompok dewan/majlis bandaraya, manakala Majlis Bandaraya Iskandar Puteri merekodkan pendapatan sebanyak RM304.6 juta.

Selain itu, tiga PBT daripada Selangor iaitu Majlis Bandaraya Shah Alam, Majlis Bandaraya Petaling Jaya dan Majlis Bandaraya Subang Jaya masing-masing memperoleh pendapatan sebanyak RM525.5 juta, RM378.9 juta dan RM292.1 juta. Sementara itu, dua PBT Pulau Pinang iaitu Majlis Bandaraya Pulau Pinang dan Majlis Bandaraya Seberang Perai mencatatkan pendapatan berjumlah RM378.4 juta dan RM304.9 juta. Pada masa yang sama, Majlis Bandaraya Seremban dan Majlis Bandaraya Ipoh masing-masing merekodkan pendapatan sebanyak RM541.8 juta dan RM405.3 juta pada tahun 2021.

Carta 6.4 Prestasi kewangan 10 dewan/majlis bandaraya tertinggi (RM juta) dan pertumbuhan pendapatan (%), 2020-2021



Sumber: Jabatan Audit Negara Malaysia
Penyata Kewangan PBT, Pejabat Setiausaha Kerajaan Negeri

b. Majlis perbandaran

Daripada keseluruhan 40 majlis perbandaran, 10 majlis perbandaran dengan prestasi kewangan tertinggi terdiri daripada pihak berkuasa tempatan di Selangor, Johor, Perak dan Terengganu (Carta 6.5).

Pada tahun 2021, Majlis Perbandaran Klang memperoleh pendapatan tertinggi iaitu RM279.0 juta, menurun sedikit berbanding tahun 2020 sebanyak RM284.1 juta dengan merekodkan penyusutan 1.8 peratus.

Pada masa yang sama, terdapat enam lagi majlis perbandaran di Selangor berada dalam kelompok penyumbang tertinggi di

12.2%
Pertumbuhan positif
MB Shah Alam
pada tahun 2021



19.9%
Pengurangan
pendapatan DBKL
pada tahun 2021

104.9%
 Pertumbuhan pendapatan
MP Kulai
 pada tahun 2021



RM113.1 juta
 Pendapatan
MP Kemaman
 pada tahun 2021

kalangan majlis perbandaran iaitu Majlis Perbandaran Kajang (RM255.0 juta), Majlis Perbandaran Selayang (RM244.6 juta), Majlis Perbandaran Sepang (RM206.0 juta), Majlis Perbandaran Ampang Jaya (RM173.2 juta), Majlis Perbandaran Hulu Selangor (RM169.9 juta) dan Majlis Perbandaran Kuala Langat (RM114.3 juta).

Bagi prestasi kewangan di Johor, Majlis Perbandaran Kulai merekodkan pendapatan sebanyak RM232.9 juta, meningkat daripada RM113.7 juta pada tahun sebelumnya dengan pertumbuhan sebanyak 104.9 peratus.

Beralih ke negeri Perak, majlis perbandaran yang mencatatkan pendapatan tertinggi iaitu Majlis Perbandaran Manjung merekodkan pertumbuhan 32.7 peratus menjadikan pendapatan pada tahun 2021 berjumlah RM130.7 juta. Di Terengganu pula, Majlis Perbandaran Kemaman mencatatkan pertumbuhan 39.2 peratus daripada RM81.2 juta kepada RM113.1 juta pada tahun 2021.

Carta 6.5 Prestasi kewangan 10 majlis perbandaran tertinggi (RM juta) dan pertumbuhan pendapatan (%), 2020-2021



Sumber: Jabatan Audit Negara Malaysia
 Penyata Kewangan PBT, Pejabat Setiausaha Kerajaan Negeri

c. Majlis daerah

Daripada 91 majlis daerah, 10 majlis daerah menunjukkan prestasi kewangan tertinggi terdiri daripada pihak berkuasa tempatan di Johor, Perak, Negeri Sembilan, Kedah dan Pahang.

Secara keseluruhannya, daripada 10 majlis daerah tersebut dua majlis daerah menunjukkan penurunan pendapatan iaitu Majlis Daerah Kerian dan Majlis Daerah Rompin.



Di Johor terdapat dua majlis daerah merekodkan prestasi kewangan tertinggi dalam kelompok majlis daerah iaitu Majlis Daerah Tangkak dengan pendapatan sebanyak RM81.1 juta pada tahun 2021 seperti pada Carta 6.6. Ini diikuti dengan Majlis Daerah Kota Tinggi dengan pendapatan berjumlah RM61.1 juta.

Terdapat lima majlis daerah di Perak yang berada di dalam kategori 10 pendapatan tertinggi iaitu Majlis Daerah Kerian dengan merekodkan prestasi kewangan berjumlah RM42.8 juta, diikuti Majlis Daerah Batu Gajah dengan perolehan pendapatan RM42.7 juta pada tahun 2021. Ini diikuti oleh Majlis Daerah Kampar (RM35.9 juta), Majlis Daerah Perak Tengah (RM33.4 juta) dan Majlis Daerah Tanjong Malim (RM32.9 juta).

Sementara itu, Majlis Daerah Rembau di Negeri Sembilan menunjukkan peningkatan pendapatan RM35.1 juta meningkat daripada RM21.4 juta dengan pertumbuhan yang memberangsangkan sebanyak 64.0 peratus.

Pada masa yang sama, Majlis Daerah Baling mencatatkan perolehan pendapatan sebanyak RM31.7 juta daripada RM15.4 juta tahun sebelumnya manakala Majlis Daerah Rompin memperoleh pendapatan berjumlah RM29.7 juta pada tahun 2021.


64.0%
Pertumbuhan pendapatan
MD Rembau
pada tahun 2021



RM81.1 juta
Pendapatan MD
Tangkak pada
tahun 2021

Carta 6.6

Prestasi kewangan 10 majlis daerah tertinggi (RM juta) dan pertumbuhan pendapatan (%), 2020-2021



Sumber: Jabatan Audit Negara Malaysia
Penyata Kewangan PBT, Pejabat Setiausaha Kerajaan Negeri



STATISTIK AKAUN KERAJAAN NEGERI PULAU PINANG


Hasil Kerajaan Negeri Pulau Pinang

Hasil kerajaan negeri merupakan sumber utama yang akan digunakan bagi tujuan perbelanjaan mengurus dan pembangunan. Pada tahun 2021, kutipan hasil Kerajaan Negeri Pulau Pinang adalah sebanyak RM692.2 juta. Penyumbang tertinggi dalam kutipan hasil kerajaan ini adalah daripada hasil bukan cukai dengan sumbangan sebanyak 68.5 peratus seperti pada Carta 6.7.

RM692.2 juta
Hasil Kerajaan Negeri Pulau Pinang pada tahun 2021



Carta 6.7 Hasil Kerajaan Negeri Pulau Pinang, 2021



Sumber: Laporan Ketua Audit Negara, Jabatan Audit Negara Malaysia

Secara keseluruhan, hasil yang dikutip oleh kerajaan negeri pada tahun 2021 merekodkan peningkatan iaitu sebanyak 48.1 peratus daripada RM467.3 juta kepada RM692.2 juta (Carta 6.8). Peningkatan ini didorong oleh kenaikan dalam penerimaan hasil cukai, hasil bukan cukai dan terimaan bukan hasil yang bertambah masing-masing sebanyak RM3.3 juta, RM220.0 juta dan RM1.7 juta.

68.5%
Sumbangan hasil bukan cukai pada tahun 2021

Carta 6.8 Siri masa hasil Kerajaan Negeri Pulau Pinang, 2015-2021



Sumber: Laporan Ketua Audit Negara, Jabatan Audit Negara Malaysia





Hasil Kerajaan Negeri Pulau Pinang disumbangkan oleh lapan sumber utama dengan sumbangan tertinggi iaitu premium pemberian milikan bernilai RM233.4 juta diikuti cukai tanah semasa/berulang yang berjumlah RM110.4 juta. Enam lagi sumber hasil yang menyumbang kepada pendapatan negeri Pulau Pinang adalah bayaran permohonan tanah, faedah dari pelaburan deposit pasaran wang, pemberian kekurangan akaun mengurus, bayaran pendaftaran pindah milik tanah, pemberian mengikut ramai penduduk dan bayaran khas tanah seperti pada Jadual 6.3.

Jadual 6.3 Perbandingan penyumbang utama hasil Kerajaan Negeri Pulau Pinang, 2020-2021

Penyumbang utama hasil	RM juta	
	2020	2021
Premium pemberian milikan	17.6	233.4
Cukai tanah semasa/ berulang	105.5	110.4
Bayaran permohonan tanah	52.4	64.8
Faedah dari pelaburan deposit pasaran wang (DPW)	75.4	43.0
Pemberian kekurangan akaun mengurus	30.3	31.5
Bayaran pendaftaran pindah milik tanah	27.3	31.0
Pemberian mengikut ramai penduduk	25.1	25.2
Bayaran khas tanah	9.9	23.1
Jumlah	343.5	562.4

Sumber: Laporan Ketua Audit Negara, Jabatan Audit Negara Malaysia

RM233.4 juta
Premium pemberian milikan merupakan penyumbang utama hasil tertinggi




-0.4%
Penurunan perbelanjaan Pulau Pinang pada tahun 2021

Perbelanjaan mengurus Kerajaan Negeri Pulau Pinang

Perbelanjaan mengurus terdiri daripada bayaran emolumen, perkhidmatan dan bekalan, aset, pemberian dan kenaikan bayaran tetap dan perbelanjaan lain. Peruntukan yang diluluskan bagi perbelanjaan mengurus pada tahun 2021 berjumlah RM909.8 juta. Sejumlah RM730.9 juta atau 80.3 peratus telah dibelanjakan daripada jumlah peruntukan yang diluluskan (Carta 6.9).

Carta 6.9 Siri masa perbelanjaan mengurus Kerajaan Negeri Pulau Pinang, 2015-2021



Sumber: Laporan Ketua Audit Negara, Jabatan Audit Negara Malaysia

RM 7.2 juta
Peningkatan perbelanjaan
perkhidmatan dan
bekalan pada tahun
2021



Pada keseluruhannya, perbelanjaan mengurus Kerajaan Negeri Pulau Pinang mencatatkan pengurangan sebanyak RM3.2 juta iaitu menyusut 0.4 peratus iaitu daripada RM734.1 juta pada tahun 2020 kepada RM730.9 juta pada tahun 2021 (Jadual 6.4).

Pemberian dan kenaikan bayaran tetap Kerajaan Negeri Pulau Pinang merupakan penyumbang terbesar kepada penurunan perbelanjaan mengurus dengan pengurangan sebanyak RM9.5 juta. Selain itu, perbelanjaan emolumen dan perbelanjaan lain turut menyumbang kepada penurunan perbelanjaan mengurus ini. Walau bagaimanapun, perbelanjaan perkhidmatan dan bekalan serta aset menunjukkan peningkatan berbanding pada tahun 2020.

Jadual 6.4 Perbelanjaan mengurus Kerajaan Negeri Pulau Pinang 2020-2021

Butiran perbelanjaan	RM juta		Perubahan	
	2020	2021	RM juta	%
Emolumen	175.7	175.1	-0.6	-0.3
Perkhidmatan dan bekalan	142.9	150.1	7.2	5.0
Aset	3.5	4.5	1.0	28.2
Pemberian dan kenaikan bayaran tetap	407.0	397.5	-9.5	-2.3
Perbelanjaan lain	5.0	3.7	-1.3	-25.6
Jumlah	734.1	730.9	-3.2	-0.4

Sumber: Laporan Ketua Audit Negara, Jabatan Audit Negara Malaysia

Surplus/defisit Kerajaan Negeri Pulau Pinang

Kerajaan Negeri Pulau Pinang mengakhiri tahun kewangan 2021 dengan defisit semasa berjumlah RM39.0 juta berbanding defisit berjumlah RM267.1 juta pada tahun 2020 seperti di Jadual 6.5.

Jadual 6.5 Surplus/defisit Kerajaan Negeri Pulau Pinang, 2020-2021

Butiran	RM juta		Perubahan	
	2020	2021	RM juta	%
Hasil	467.3	692.2	225.0	48.1
Perbelanjaan mengurus	734.1	730.9	-3.2	-0.4
Pelaras tahun sebelum	-0.3	-0.3	-0.03	10.7
Surplus/defisit	-267.1	-39.0	228.1	-85.4

Sumber: Laporan Ketua Audit Negara, Jabatan Audit Negara Malaysia

RM 39.0 juta
Defisit Kerajaan
Negeri Pulau Pinang
pada tahun 2021




PIHAK BERKUASA TEMPATAN DI PULAU PINANG

PULAU PINANG

mempunyai dua PBT
iaitu **MB Pulau Pinang**
dan **MB Seberang Perai**

MB PULAU PINANG

merekodkan
pendapatan **tertinggi**
pada tahun 2021 iaitu
RM378.4 juta



01 TIMUR LAUT

MB PULAU
PINANG
 RM378.4 juta
 553.6

02 BARAT DAYA

238.5

03 SEBERANG PERAI UTARA

339.8

04 SEBERANG PERAI TENGAH

MB SEBERANG
PERAI
 RM304.9 juta
 421.6

05 SEBERANG PERAI SELATAN

186.5

Nota:

- Anggaran penduduk pertengahan tahun berasaskan Banci Penduduk dan Perumahan Malaysia 2020.
- Hasil tambah mungkin berbeza disebabkan oleh pembundaran

- Pihak berkuasa tempatan
- Pendapatan PBT 2021
- Jumlah penduduk 2021 ('000)

Pihak berkuasa tempatan Pulau Pinang

RM 683.3 juta
Pendapatan keseluruhan
PBT negeri **Pulau Pinang**
pada tahun 2021



RM 3.2 juta
Defisit bagi
MB Pulau Pinang
pada tahun
2021

Secara keseluruhan, PBT di Pulau Pinang memperoleh pendapatan berjumlah RM683.3 juta berbanding RM642.1 juta pada tahun 2020 (Jadual 6.6). Perbelanjaan PBT di Pulau Pinang pula mencatatkan peningkatan sebanyak RM0.6 juta iaitu daripada RM666.3 juta kepada RM667.0 juta. Jumlah pendapatan melebihi perbelanjaan meletakkan kedudukan kewangan keseluruhan bagi PBT di Pulau Pinang pada kadar surplus bernilai RM16.4 juta.

Prestasi kedudukan kewangan bagi Majlis Bandaraya Pulau Pinang mencatatkan defisit bernilai RM3.2 juta, berikutan jumlah pendapatan (RM378.4 juta) yang lebih rendah daripada jumlah perbelanjaan (RM381.6 juta) pada tahun 2021. Sementara itu, pendapatan bagi Majlis Bandaraya Seberang Perai meningkat daripada RM258.5 juta pada tahun 2020 kepada RM304.9 juta pada tahun 2021. Dari segi perbelanjaan pula, Majlis Bandaraya Seberang Perai merekodkan peningkatan pada tahun 2021 iaitu kenaikan sebanyak 0.4 peratus manakala Majlis Bandaraya Pulau Pinang mencatatkan penurunan perbelanjaan sebanyak 0.1 peratus.

Sebahagian daripada pendapatan bagi PBT di Pulau Pinang diperoleh daripada hasil kutipan cukai taksiran ke atas penduduk. Cukai taksiran merupakan cukai tahunan yang dikenakan terhadap harta pegangan di bawah kawasan pentadbiran PBT mengikut Akta Kerajaan Tempatan 1976 dan menjadi penyumbang utama kepada hasil pendapatan PBT. Cukai ini juga dikenakan ke atas pegangan seperti kediaman, kedai, bangunan perniagaan, pejabat bukan milik kerajaan, kilang, hotel dan sebagainya.

Jadual 6.6 Kedudukan kewangan PBT Pulau Pinang, 2020-2021 - RM juta

Pihak berkuasa tempatan	2020			2021		
	Pendapatan	Perbelanjaan	Surplus/defisit	Pendapatan	Perbelanjaan	Surplus/defisit
MB Pulau Pinang	383.6	382.0	1.6	378.4	381.6	-3.2
MB Seberang Perai	258.5	284.3	-25.8	304.9	285.4	19.5
Jumlah	642.1	666.3	-24.3	683.3	667.0	16.4


Sumber: Jabatan Audit Negara Malaysia



Sehingga akhir tahun 2021, PBT di Pulau Pinang secara keseluruhan telah mengutip cukai taksiran berjumlah RM444.7 juta berbanding RM395.9 juta pada tahun sebelumnya. Jumlah cukai taksiran yang dikutip oleh Majlis Bandaraya Pulau Pinang pada tahun 2021 ialah sebanyak RM233.1 juta berbanding RM211.8 juta pada tahun 2020 iaitu peningkatan sebanyak 10.1 peratus (Carta 6.10). Sementara itu, Majlis Bandaraya Seberang Perai turut mencatatkan kenaikan dalam hasil kutipan cukai taksiran iaitu daripada RM184.1 juta pada tahun 2020 kepada RM211.6 juta pada tahun 2021.

“
RM233.1 juta
 Hasil cukai taksiran
MB Pulau Pinang
 pada tahun
 2021
 ”

Carta 6.10 Hasil cukai taksiran PBT Pulau Pinang, 2020-2021



Sumber: Jabatan Audit Negara Malaysia

